



Эсэгэ ороноо, эхэ нютагаа эб хамта мандуудай!

БУРЯАД

Бүгэдэ арадай сонин

ҮНЭН

1921 оной декабриин 21-нээ гарана

2006
оной
май
24
Среда


№ 57
(21297)

Хабарай
һүүл хара
луу
һарын
27
гарагай
4



Засагай
дээдын
зургаануудта

ТУСХАЙ
ДУГААР



БУРЯАДАЙ ПРАВИТЕЛЬСТВО: ҮДЭР ҮДЭРЭЙ АЖАЛ ХЭРЭГҮҮД

2006 оной майн 15 - 20

Буряад Республикын Президент, Правительствын Түрүүлэгшэ А.В.Потапов майн 15-да Правительствын гэшүүдтэй, гүйсэдхэхи засагай зургаануудай хүтэлбэрилэгшэдтэй заншалта ёхоороо түсэблэлгын зүблөө эмхидхээ.

Зүблөөндэ хабаадагшадтай А.В.Потапов иимэ асуудалнуудые хэлсээ: «2004-2006 онуудта болон 2010 он болотор хугасаада хүдөө нютагуудай социальна хүгжэлтэ» гэхэн республиканска тусхай зорилготой программа бэлдүүлгэ (хүдөө нютагуудта гэр худалдан абалга болон барилгада субсиди үгэлгэ - 150 хүн); үмсын хамнабарин ажахынуудта үгтэһэн урьһаламжануудай ашаг үр; ежэ корпорацинуудтай баталһан хэлсэнүүдэй үндэһөөр ИТУ-нуудые эмхидхэлгэ; Россин Президентэ шэнэ технологиудай презентаци; гэр барилгын блогуудые үйлэдбэрилгэ; үсөөн дабхартай гэрнүүдэй барилга тээшэ шэглүүлэгдэһэн хубилтануудые «Үнэгүй гэр байра» гэхэн үндэһэн проектэ оруулалга; хүдөө ажахын эд хэрэглэгшэдэй кооперативуудые тогтоолго; АПК-е хүгжөөлгын, «Үнэгүй болон хайн гэр байра», «Элүүр», «Һуралсал» гэхэн үндэһэн проектүүд; хүдөө ажахын шэнэ жэлдэ бэлдэлгэ; ажаһуугшадай ажалаар хангадаса; сэнгүүдэй талаар байдал; түгэсэгдөөгүй барилгын хэмжээ доошолуулга; спортын-элүүржүүлгын комплексын барилгада бэлдэлгэ; Улаан-Үдэдэ сэсэрлигүүдэй байгуулга хүгжөөлгэ; нефтийн соргодо (тэрэнэй шэнэ замда) хабаатай зүблөөн; Россин Федерациин Президент В.В.Путинай Хандалга шагналгада хабаадаһан тухайгаа Буряадай Президентын мэдээсэл.

Майн 15-16-да республикын Президент хүдэлмэрийн һууринуудые нээлгын болон ажаһуугшадай дунда үгытэй байдал хэмжээ доошолуулгын талаар аймагуудай болон хотонуудай муниципальна байгуулгануудай толгойлогшодой мэдээсэл шагнаа. Майн 16-да Буряадай Правительство болон Буркоопсоюзай хоорондо 2006 оной хэлсээн баталагдаа.

Майн 17-до А.В.Потапов «Бурятмьясопром» ОАО-гой хэрэг байдалтай танилсаһан, эрэмдэг бэетэй хүүгэдэй реабилитационно түбэй нээлгэдэ хабаадаһан, муниципальна дружинын хоёр пунктда хүрэхэн байна.

Майн 18-да Леонид Васильевичай хүтэлбэри дор «Алтаргана-2006» гэхэн уласхоорондын Буряадай үндэһэн фестиваль үнгэргэлгын талаар эмхидхэлэй комитедэй зүблөөн ажалаа ябуулаа. Удаань Президент Россин болон Буряадай гүрэнэй шагналнуудые барюулаа, республикын муниципальна байгуулгануудай эмхидхэн тогтоолгын съездын хүдэлмэридэ хабаадаа, хүдэлмэрийн хэдэн зүблөөнүүдые болон уулзалгануудые үнгэргөө.

Майн 19-дэ Буряад Республикын Президент 3-дахи республиканска экономика зүблөө эмхидхэжэ, Буряадай социаль-экономика хүгжэлтын 2005 оной дүнгүүд согсологдоо болон муниципальна байгуулгануудай

экономика хүгжэлтые эршэдүүлгын талаар зорилгонууд элирүүлэгдээ. Энэл үдэр Буряадай Правительствын Түрүүлэгшын орлогшонортой зүблөөн эмхидхэгдээ.

Буряад Республикын Правительствын Түрүүлэгшын Нэгэдэхи орлогшо И.М.Егоров майн 15-һаа 17 болотор хугасаада Москвада гүйсэдхэхи засагай федеральна зургаануудта хүдэлмэрилһэн байна. Үнгэргэһэ долоон хоногой туршада 2005-2007 онуудта Буряадай социаль-экономика хүгжэлтын программын талаар хүдэлмэрийн бүлэгэй зүблөө үнгэргөө.

Иннокентий Матвеевич хабаадаа гэбэл: «Алтаргана-2006» гэхэн уласхоорондын буряадуудай үндэһэн фестиваль үнгэргэлгын талаар эмхидхэлэй комитедэй зүблөөндэ, республикын муниципальна байгуулгануудай эмхидхэн тогтоолгын съездын хүдэлмэридэ, гурбадахи республиканска экономика зүблөөндэ.

Республикын Правительствын Түрүүлэгшын орлогшо Б.Г.Бальжировай толгойлдог Россин Президентын дэргэдэхи Буряадай Бүрин этигэмжэтэ түлөөлэлгын хүдэлмэрилэгшэд Россин Федерациин Президентын Захиргаанда, федеральна министрствэнүүд болон албан зургаануудта иимэ асуудалнуудар хүдэлмэрилөө: «Сибирийн транзит» гэхэн VI регион хоорондын театризованна фестиваль болон «Алтаргана-2006» гэхэн уласхоорондын буряадуудай үндэһэн фестиваль үнгэргэлгэдэ хабаатай эмхидхэлэй болон номололгын асуудалнуудые шийдхэлгэ; Буряадай мэргэжэлтэ искусство болон зохёохы холбоонуудые дэмжэлгэ болон хүгжөөлгэ; «Хягагада спортын түб барилгада мүнхэн зөөри таһалжа үгэлгэдэ туһалха тухай» бэшгые эдэбхижүүлгэ; «Зүүн Сибирь - Номгон далай» гэхэн нефтийн сорго барилгын болон «Хягада» ОАО-гой ураан олзборилгын талаар промышленна предпряти барилгын проектүүдые дэбжүүлгэ; авиазаводой үйлэдбэриие дэмжэлгын болон хүгжөөлгын талаар Буряадай Правительствын, «ОПК Оборонпром» ОАО-гой, «Улаан-Үдын авиационно завод» ОАО-гой хоорондо хэлсээ бэлдүүлгэ; Улаан-Үдын аэропортын ниидэлгын-буудалай талмай һэльбэн шэнэлэлгын талаар хүдэлмэри эмхидхэлгэ, 364 миллион түхэригэй хэмжээндэ номолох тухай хэлсээ баталха хэрэгые түргэдхэлгэ.

Социальна һалбарине хүгжөөлгын талаар Буряад Республикын Правительствын Түрүүлэгшын орлогшо С.Г.Ефимов социальна шэглэлэй министрствэнүүд болон албан зургаануудай түсэблэлгын зүблөө үнгэргөө. Тийн иимэ шийдхэбэринүүд абтаһан байна: нэмэлтэ эмээр хангалгыё номололгын талаар Уялгата медицинскэ страхованиин федеральна жасада хандаха; Буряадай Барилгын, архитектурын болон ЖКХ-гай министрствэтэй суг хамта ЖКХ-да нэгэдэхи разрядтай тарифна ставка дээшлүүлхэ тухай асуудал бэлдэхэ; республикын Финансын министрствэтэй суг хамта хүүгэдэй зунай амаралтые федеральна

бюджетдээ номололгын асуудал шийдхэжэ.

Степан Гаврилович хүдэлмэрийн һууринуудые нээлгын болон ажаһуугшадай дунда үгытэй байдал хэмжээ доошолуулгын талаар МСУ-нуудай зургаануудай толгойлогшодой мэдээсэл шагналгада хабаадаа; элүүрые хамгаалгын болон социальна хангалгын эмхи зургаануудые шалгалгада зорюулагдаһан зүблөө хүтэлбэрилөө.

С.Г.Ефимов хүүгэдэй зунай амаралта болон элүүржүүлгэ эмхидхэлгын асуудалнуудар республикын селекторнэ зүблөө үнгэргөө. Тийхэдэ ахмад федеральна инспектор Б.В.Даниловай хүтэлбэри дор эмхидхэгдэһэн үндэһэн проектүүдэй бэлүүлгын талаар хүдэлмэрийн бүлэгэй зүблөөндэ, Президентын хүтэлбэрилһэн бюджетнэ һалбарин хүдэлмэрилэгшэдэй салын түлбэри дээшлүүлгэдэ хабаатай зүблөөндэ; эрэмдэг бэетэй хүүгэдэй реабилитационно түбэй нээлгэдэ, Арадай Хуралда үнгэргэгдэһэн олон хүүгэдтэй бүлэнүүдэй шийдхэгдээгүй асуудалнуудар дүхэриг шэрээдэ хабаадаа.

Гадна Степан Ефимов иимэ зүблөөнүүдые үнгэргэһэн байна: «Бурят-Фармация» гэхэн гүрэнэй предпрятиин урда аргалалгын-һэргылэлгын эмхи зургаануудай үрийн асуудалнуудар; «РЖД» ОАО-гой элүүрые хамгаалгын эмхи зургаануудтай харилсаа холбоонуудта зорюулагдаһан; Залуу мэргэжэлтэдтэ болон залуу гэр бүлэнүүдтэ гэр байра үгэхэ талаар Правительствын дэргэдэхи комиссиин.

Буряад Республикын Правительствын Түрүүлэгшын орлогшо - промышленностиин, үйлэдбэрийн инфраструктурын болон технологиудай министр В.В.Переляевай хүтэлбэрилдэг министрствэнүүдтэ болон албан зургаануудта Буряадай телерадио-дамжуулаалгын байгуулга һэльбэн шэнэлэлгын программаар тоног түхээрэлгэ тушаан абалга үнгэргэгдөө; Улаан-Үдэ - Подлопатки - Худара-Сомон - Шарагол гэхэн автобусой маршрут шэнжэлэгдээ; «Гэр байра» гэхэн муниципальна програмнуудые зүбшэн хэлсэлгын талаар комиссиин, гадна хүнгэн бетон блогуудые үйлэдбэрилгын болон хэрэглэлгын талаар зүблөөнүүд эмхидхэгдээ.

Хуули ёһоной асуудалнуудай, хамгаалалтын болон захиргаанай зургаануудтай харилсаа холбоонуудай талаар Буряад Республикын Правительствын Түрүүлэгшын орлогшо О.В.Хышиктыев «Байкал» гэхэн сэрэгэй һургалгануудые үнгэргэлгын талаар зүблөөндэ хабаадаа.

Буряад Республикын Президентын «Бурятмьясопром» ОАО-до, муниципальна дружинануудай пунктуудта ошолго эмхидхэгдэн үнгэргэгдөө.

Олег Валентинович хабаадаа гэбэл: «Алтаргана-2006» гэхэн уласхоорондын буряад үндэһэн фестивалиин эмхидхэлэй комитедэй зүблөөндэ, муниципальна байгуулгануудай эмхидхэн тогтоолгын съездэ, сэрэгэй комиссариаднуудай үгы байһан дэбисхэрнүүд дээрэ сэрэгэй бүридхэлдэ абалгын зүблөөндэ. Мүн тийхэдэ Наушкын тамуужанай начальник

Ю.В.Русаковтой, Сосновый Бор тосхоной сэрэгэй частыда полковник В.А.Бронюктай уулзалганууд үнгэргэгдөө.

Олег Хышиктыев Буряадай социаль-экономика хүгжэлтын 2005 оной дүнгүүдэй болон муниципальна байгуулгануудай экономика хүгжэлтэ эршэдүүлгын зорилгонуудай талаар зүблөөндэ хабаадаа.

Агропромышленна комплексые хүгжөөлгын талаар Буряад Республикын Правительствын Түрүүлэгшын орлогшо А.Д.Турбянов «Алтаргана-2006» гэхэн уласхоорондын буряад үндэһэн фестивалиин эмхидхэлэй комитедэй зүблөөндэ, муниципальна байгуулгануудай эмхидхэн тогтоолгын съездэ, тийхэдэ Буряадай социаль-экономика хүгжэлтын 2005 оной дүнгүүдые согсолһон болон муниципальна байгуулгануудай экономика хүгжэлтэ эршэдүүлгын зорилгонуудые элирүүлһэн гурбадахи республиканска экономика зүблөөндэ хабаадаа.

Леонид Дашеевич 1905 оной Революциин гудамжада оршодог Байгаалиин нөөсөнүүдэй министрствын байшанда, тус министрствэдэ газар таһалжа үгэлгэдэ, «Улаан-Үдын шубуунай фабрика» ОАО-гой байдалда зорюулагдаһан зүблөөнүүдые хүтэлбэрилһэн байна.

Удаань Леонид Турбянов Россельхозбанк хүрөөд, майн 20-һоо 27 болотор хугасаада хүдөө ажахын һалбариде хилэ шадархи харилсаа холбоо хүгжөөлгын, Айнек-гол - Бага Иленх гарасын пункт нээлгын асуудалнуудые шийдхэхэ зорилготойгоор Монгол ошоо.

Буряад Республикын Президентын болон Правительствын Захиргаанай хүтэлбэрилэгшэ - министр И.Б.Дагбаевай толгойлдог байгуулганууд республикын гүйсэдхэхи засагай зургаануудай, Буряада тухай өөһэдэйн хүтэлбэрийн зургаануудай федеральна болон республиканска хуули ёһоной актуудые дүүргэлгын хойноһоо хиналта ябуулаа; гүрэнэй хэрэглэмжэдэ эд бараа (хүдэлмэри, хангалгануудые) худалдан абалгын талаар конкурсно комиссиинуудта хүдэлмэрилөө; Буряадай Үндэһэн хуулида хубилалтануудые оруулха талаар дурдалхануудые бэлдхэлгын бүлэгэй бүридхэлдэ хүдэлмэрилөө; Буряад Республикада гүрэнэй тушаалуудые эзэлдэг нюурнуудта гүрэнэй найдуулганууд тухай, 199-дэхи Федеральна Хуули бэлдүүлхэ тухай хуулинуудай түлэбүүдые бэлдхэлгэдэ хабаадаа. Майн 15-да республикын СМИ-нүүдэй сэтгүүлшэдтэ элүүрые хамгаалгын министр В.В.Кожевниковой хабаадалгатай ээлжээтэ брифинг эмхидхээ; буряад хэлэнэй шийдхэгдээгүй асуудалнуудар зүблөө үнгэргөө; III республиканска экономика зүблөөндэ зорюулагдаһан «Бурятия» соной тусхай хэблэл бэлдээ; Улаан-Үдын саг зурада байрлуулгын изолаторта байһан зоной эрхэнүүдые сахилгын шалгалта эмхидхээ.

Буряад Республикын
Правительствын мэдээсэлэй таһаг.

БУРЯАД РЕСПУБЛИКЫН АРАДАЙ ХУРАЛАЙ ХҮДЭЛМЭРИЙН ТҮСЭБ

2006 оной майн 22-26 болотор

I. БУРЯАД РЕСПУБЛИКЫН АРАДАЙ ХУРАЛАЙ СОВЕДЭЙ ЗҮБЛӨӨН

1. Буряад Республикын Арадай Хуралай гурбадахи зарлалай ээлжээтэ хорин зургаадахи сессийн үдэртэ хэлсэгдэхэ асуудалнуудай түлэб тухай
2. Буряад Республикын Арадай Хуралай Аппарадай Мэдээсэлэй-шэнжэлгын управлениин 2002-2005 онуудай хүдэлмэрийн тоосон тухай
3. Буряад Республикын Тоололгын палатын доторой дүрим тухай
4. Буряад Республикын Арадай Хуралай Хүндэлэлэй грамотануудаар шагнаха тухай 26.05 10.00 Бага танхим

II. БУРЯАД РЕСПУБЛИКЫН АРАДАЙ ХУРАЛАЙ КОМИТЕДУУДАЙ ЗҮБЛӨӨНҮҮД

Социальна политикын талаар Арадай Хуралай комитет (түрүүлэгшэнь С.Г.Мезенин)

1. Буряад Республикын Арадай Хуралай ээлжээтэ хорин зургаадахи сессийн үзэмжэдэ табигдаха асуудалнууд
2. Буряад Республикын Хүндэлэлэй грамотаар шагнаха тухай 24.05 14.00 каб.218

III. ХҮДЭЛМЭРИЙН ЗҮБЛӨӨНҮҮД АРАДАЙ ХУРАЛАЙ КОМИТЕДУУДАТЭ

1. Бюджетэй, налогуудай, сан жасын болон банкнуудай талаар Арадай Хуралай комитет (түрүүлэгшэнь Ц.Э.Доржиев) Нүүмэл зүблөөнүүд: «Буряад Республикын гүрэнэй социальна болон сан жасын эгээл бага нормативуудай тоолбори болон тоо тухай» Буряад Республикын Хуулида хубилалтануудые оруулха тухай», «Буряад Республикада бюджетүүд хоорондын харилсаанууд тухай» Буряад Республикын Хуулида хубилалтануудые оруулха тухай» Буряад Республикын хуулинуудай түлэбүүд тухай
- Петропавловка нуурин (Зэдын, Захааминай аймагууд) 24.05 11.00
- Гусиноозерск хото (Сэлэнгын, Хягтын аймагууд) 25.05 14.00
- Турнтаево нуурин (Прибайкалийн аймаг) 26.05 9.30

1. Гүрэнэй байгуулалтын, нютагай өөхэдэйн хүтэлбэрийн болон хуули сахилгын талаар Арадай Хуралай комитет (түрүүлэгшэнь А.Н.Маслов) «Буряад Республикын Арадай Хуралай дэргэдэхэ Нютагай өөхэдэйн хүтэлбэрийн түлөөлэгчтэ зургаануудай совет тухай дүримдэ хубилалтануудые оруулха тухай» Буряад Республикын Арадай Хуралай тогтоолой түлэб тухай 24.05 14.00 каб.323

1. Газарай асуудалнуудай, аграрна политикын болон эд хэрэглэлгын дэлгүүрэй талаар Арадай Хуралай комитет (түрүүлэгшэнь В.А.Павлов) «Газар тухай» Буряад Республикын Хуулида хубилалтануудые оруулха тухай» Буряад Республикын хуулиин түлэб тухай 23.05 14.00 каб.119
- «Хүдөө ажахын хүтэлбэрилэгшэдтэ нара бүрийн нэмэлтэ түлбэри тухай» Буряад Республикын хуулиин түлэб тухай 24.05 14.00 каб.119
- «Этилэй спиртын, архиин болон спирттэй продукциин үйлэдбэрийн болон эрьсые гүрэнэй талааа гуримшуулха тухай» федеральна хуулида хубилалтануудые оруулха тухай» федеральна хуулиин түлэбтэ Россин Федерациин Федеральна Сутлаанай Гүрэнэй Дүүмэдэ оруулха талаар Курганска областной Дүүмын хуули гаргалгын үүсхэл тухай 25.05 14.00 каб.119
- «Буряад Республикада хүдөөгэй ажауугшадай гүрэнэй бэшэ пенсионно хангалгын асуудалнууд тухай» парламентска хэлсэлгэнүүдтэ бэлдэхэ тухай 26.05 14.00 каб.119

Уласхоорондын болон регионой холбоонуудай, яхатануудай асуудалнуудай, ниитын эмхинүүдэй болон шажан мүргэлэй нэгдэлнүүдэй хэрэгүүдэй талаар Арадай Хуралай комитет (түрүүлэгшэнь А.С.Ковалев)

1. Нүүмэл хүдэлмэрийн зүблөөн: «Соёл тухай» Буряад Республикын Хуули бэлүүлгын ябаса тухай 23.05 Мухар-Шэбэрэй, Бэшүүрэй аймагууд «Буряад Республикада хорото бодос хэрэглэгье, архида оролгыгье нэргылхэ тухай» Буряад Республикын хуулиин түлэб тухай 24.05 14.00 каб.212
- «Буряад Республикын арадуудай хэлэнүүд тухай» Буряад Республикын Хуулида хубилалтануудые оруулха тухай» Буряад Республикын хуулиин түлэб тухай 25.05 14.00 каб.212

Социальна политикын талаар Арадай Хуралай комитет (түрүүлэгшэнь С.Г.Мезенин)

1. «Буряад Республикада гэр бүлгые болон хүүгэдыг гүрэнэй талааа дэмжэлгыг хууляар хангаха тухай» асуудалаар парламентска хэлсэлгэнүүд тухай 23.05 14.00 каб.218
- «Буряад Республикада олон хүүгэдтэй бүлэнүүдыг социальна дэмжэлгын хэмжээнүүд тухай» Буряад Республикын хуулиин түлэб тухай 23.05 14.00 каб.218
- «Буряад Республикада амаралтада болон элүүржүүлэгдэ хүүгэдэй эрхэнүүдыг хангаха тухай» Буряад Республикын хуулиин түлэб тухай 23.05 15.00 каб.218
- «Нуралсал тухай» Буряад Республикын Хуулиин 19-дэхи статьяда хубилалтануудые оруулха тухай» Буряад Республикын хуулиин түлэб тухай 23.05 16.00 каб.216

Экономическа политикын, байгаалин нөөсөнүүдыг ашаглалгын болон оршон тойронхи хамгаалгын талаар Арадай Хуралай комитет (түрүүлэгшэнь В.Г.Ирильдеев)

1. «Республикын тусхай зорилготой программанууд тухай» Буряад Республикын Хуулиин 1-дэхи статьяда хубилалтануудые оруулха тухай» Буряад Республикын хуулиин түлэб тухай 23.05 10.00 каб.211
- «Буряад Республикын ажауугшадые болон дэбисхэрнүүдыг байгаалин болон үйлэдбэрийн шанарай онсо аюулта байдалнуудхаа хамгаалха тухай» Буряад Республикын Хуулида хубилалтануудые оруулха тухай» Буряад Республикын Хуули тухай 25.05 14.00 каб.211
- Буряад Республикые хии түлишөөр хангаха нэдэлгэ тухай деклараци тухай 26.05 14.00 каб.211

IV. ЭРХЭТЭДЫЕ ХҮЛЭЭН АБАЛГА В.Г.Ирильдеев - Экономическа политикын, байгаалин нөөсөнүүдыг ашаглалгын болон оршон тойронхи хамгаалгын талаар Арадай Хуралай комитетэй түрүүлэгшэ 24.05 14.00-17.00 каб.211

1. В.А.Павлов - Газарай асуудалнуудай, аграрна политикын болон эд хэрэглэлгын дэлгүүрэй талаар Арадай Хуралай комитетэй түрүүлэгшэ 25.05 14.00-17.00 каб.119

V. КОМАНДИРОВКОНУУД А.Н.Маслов - Загарайн аймаг, Онохой тосхон, хунгуулиин тойрогто хүдэлмэри 26-27.05

1. З.Ц.Намсараев - Москва хото, «Үндэ-нэтэнэй паркнуудай болон заповед-нигүүдэй онсо харууһатай байгаалин дэбисхэрнүүдэй ажал ябуулгын эмхидхэлэй-хуули ёноной болон хуули гаргалгын бааза болбосоруулга» гэнэн асуудалаар парламентска хэлсэлгэнүүдтэ хабаадалга 18-23.05
- Гусиноозерск хото, хунгуулиин тойрогто хүдэлмэри, нүүлшын хонходо зориулагдахан хэмжээ ябуулгануудта хабаадалга 25-26.05

БУРЯАД РЕСПУБЛИКЫН ПРАВИТЕЛЬСТВЫН ТОГТООЛНУУД

2006 оной майн 15

№124

«БУРЯАД РЕСПУБЛИКЫН ДЭБИСХЭР ДЭЭРЭ ЭРХЭТЭДЭЙ БАЙДАЛЫЕ ГҮРЭНЭЙ БҮРИДХЭЛДЭ АБАЛГЫН АСУУДАЛНУУДААР ЗАГС-ЫН ЗУРГААНУДАЙ БОЛОН ХҮДӨӨ НУУРИНУУДАЙ, ТОСХОНУДАЙ ЗАХИРГААНУДАЙ ХАРИЛСАА ХОЛБООНУУД ТУХАЙ» БУРЯАД РЕСПУБЛИКЫН ПРАВИТЕЛЬСТВЫН 2002 ОНОЙ ЯНВАРИЙН 31-ЭЙ 31 ДУГААРАЙ ТОГТООЛДО ХУБИЛАЛТАНУУДЫЕ ОРУУЛХА ТУХАЙ

«Россин Федерацида нютагай өөхэдэйн хүтэлбэрийн зургаануудые эмхидхэлгын юрэнхы дүримүүд тухай» 2003 оной октябрийн 6-ай 131-ФЗ дугаарай федеральна хуулигай зохилдуулан, эрхэтэдэй байдал гүрэнэй бүридхэлдэ абалгын талаар хүдэлмэрийн ашаг үрэ дээшлүүлхын тула Буряад Республикын Правительство тогтооно:

1. «Буряад Республикын дэбисхэр дээрэ эрхэтэдэй байдалые гүрэнэй бүридхэлдэ абалгын асуудалнуудаар ЗАГС-ын зургаануудай болон хүдөө нууринуудай, тосхонуудай захир-гаануудай харилсаа холбоонууд тухай» Буряад Республикын Правительствон 2002 оной январийн 31-эй 31 дугаарай тогтоолдо хубилалтануудые оруулха гэбэл:
 - 1.1. Тогтоолы нэрэмжэдэ болон 1, 2-дохи пунктнуудта «хүдөө нууринуудай, тосхонуудай захиргаануудай» гэнэн үгэнүүдыг «хүдөөгэй болон хотонуудай

нууриин газарнуудай нютагай өөхэдэйн хүтэлбэрийн зургаануудай» гэнэн үгэнүүдээр хэлгэхэ.

- 1.2. «Буряад Республикын дэбисхэр дээрэ эрхэтэдэй байдалые гүрэнэй бүридхэлдэ абалгын асуудалнуудаар ЗАГС-ын зургаануудай болон хүдөө нууринуудай, тосхонуудай захир-гаануудай харилсаа холбоонууд тухай хэмжээ ябуулгануудай түсэб» гэнэн хабсаргалтын нэрэмжэдэ болон 2, 3, 5, 6-дахи пунктнуудта «хүдөө нууринуудай, тосхонуудай захиргаануудай» гэнэн үгэнүүдыг таараха падеждэнь зохил-дуулан, «хүдөөгэй болон хотонуудай нууриин газарнуудай нютагай өөхэдэйн хүтэлбэрийн зургаануудай» гэнэн үгэнүүдээр хэлгэхэ.

2. Тус тогтоол толилогдоһон үдэрһөө хүсэндөө ороно.

Буряад Республикын Президент, Правительствон Түрүүлэгшэ А.В.ПОТАПОВ

2006 оной майн 16

№128

2006 ОНОЙ I КВАРТАЛДА БУРЯАД РЕСПУБЛИКАДА ДУНДА ЗЭРГЭЭР АЖАУУГШАДАЙ ХҮН БҮХЭНЭЙ БОЛОН ГОЛ СОЦИАЛЬНО-ДЕМОГРАФИЧЕСКА БҮЛЭГҮҮДЭЭР АЖАМИДАРАЛГЫН ЭГЭЭЛ БАГА ХЭМЖЭЭ ТОГТООХО ТУХАЙ

«Буряад Республикада ажамидаралгын эгээл бага хэмжээн тухай» 1997 оной декабрийн 25-ай 634-I дугаарай Буряад Республикын Хуули бэлүүлхын тула Буряад Республикын Правительство тогтооно:

1. Буряад Республикын Ажалай болон социальна хүгжэлтын министерствын зууршалһанай ёһоор 2006 оной I кварталда

Буряад Республикада ажамидаралгын эгээл бага хэмжээ тогтоохо гэбэл: дунда зэргээр ажауугшадай хүн бүхэндэ - 3463 түжэриг, ажал хэхэ шадалтай зондо - 3742, пенсионернүүдтэ - 2655, хүүгэдтэ - 3296.

2. Тус тогтоол толилогдоһон үдэрһөө хүсэндөө ороно.

Буряад Республикын Президент А.В.ПОТАПОВ

2006 оной майн 19

№135

Н.И.КЛЮЧНИКОВА ТУХАЙ

«Буряад Республикын Правительство тухай» Буряад Республикын Хуулиин 25-дахи статьягай 1-дэхи бүлэгтэй зохилдуулан, Буряад Республикын Правительство тогтооно:

1. Ключникова Нина Ивановна эзэлжэ байһан Буряад Республикын гүрэнэй эрхэтэнэй албанай Буряад Республикын экономика хөгжэлтын болон гадаадын харилсаануудай министрэй орлогшын тушаалһаа сүлөөлхэ, наһанайнгаа амаралтада гараһан ушарһаань «Буряад Республикын гүрэнэй эрхэтэнэй албан тухай» 2005 оной июлиин 6-ай 1225-III дугаарай Буряад Республикын Хуулиин

14-дэхи статьягай 2-дохи пунктын ёһоор социальна найдуулгануудые үзүүлэн, тэрэниг 2006 оной майн 22-то Буряад Республикын гүрэнэй эрхэтэнэй албанһаань болжоула болон хүдэлмэрийн хэлсээ таһалха («Россин Федерацида гүрэнэй эрхэтэнэй албан тухай» 2004 оной июлиин 27-ой 79-ФЗ дугаарай федеральна хуулиин 33-дахи статьягай 1-дэхи хубийн 3-дахи пункт).

2. Тус тогтоол баталагдаһан үдэрһөө хүсэндөө ороно.

Буряад Республикын Президент, Правительствон Түрүүлэгшэ А.В.ПОТАПОВ

Буряад Республикын Президентын Зарлиг

ГҮРЭНЭЙ ГЭР БАЙРЫН ИНСПЕКЦИЙН РЕСПУБЛИКАНСКА АЛБАН ТУХАЙ

«Буряад Республикада гүрэнэй гүйсэдхэхы засагай зургаануудай байгуулга тухай» Буряад Республикын Хуули бэлүүлхын болон Буряад Республикын гүрэнэй гүйсэдхэхы засагай зургаануудай байгуулгыг федеральна гүйсэдхэхы засагай зургаануудтай зохилдуулхын тула тогтооно:

1. 2006 оной июниин 1-нээ Буряад Республикын Барилгын, архитектурын болон гэр байрын-коммунальна ажахын министерствын бүридлөө Гүрэнэй гэр байрын инспекциин республиканска албаниг гаргаһанай аргаар тус министерствые хубилгаха.
2. Гүрэнэй гэр байрын инспекциин республиканска албан федеральна болон региональна шанарай стандартнуудай эрилтэнүүдтэ зохистой гэр байрын болон коммунальна хангалгануудые ажа-нуутшадта үзүүлхэдэ, эрхэтэдэй болон гүрэнэй хуулигай эрхэнүүдыг сахилгын, гэр байрын жасын байдалай болон ашаглалгын хойноһоо хинамжын талаар Буряад Республикын гүрэнэй гүйсэдхэхы засагай зургаан болоно гэжэ тогтооно.
3. Гүрэнэй гэр байрын инспекциин республиканска албанай хангалгыг номололгын хэмжээн республикын зохистой жэлэй бюджет тухай Буряад Республикын Хууляар тогтоогдодог гэжэ тогтооно.
4. Буряад Республикын Барилгын, архитектурын болон гэр байрын-коммунальна ажахын министерствэдэ (В.А.Рубан) Министерствын Аппарадай хангалгын гаргашануудай 2006 оной сэтгээ Гүрэнэй гэр байрын инспекциин

республиканска албанай хангалгын гаргашануудые таһалжа үгэхэ.

5. Зөөрийн болон газарай харилсаануудай республиканска агентствэдэ (В.В.Загзун) 2006 оной июниин I болотор Гүрэнэй гэр байрын инспекциин республиканска албанай эзэлжэ байһан байра байшаниг болон ажал ябуулгадань хэрэгтэй зөөри тус агентствын мэдэлдэ дамжуулха тухай асуудал шийдхэхэ.

6. «Буряад Республикын гүрэнэй гүйсэдхэхы засагай зургаануудай байгуулга хубилган шэнэдхэхэ болон болбосоруулха тухай» Буряад Республикын Президентын 2005 оной январийн 20-ой 9 дугаарай Зарлигаар баталагдаһан Буряад Республикын гүрэнэй гүйсэдхэхы засагай зургаануудай байгуулгада хубилалтануудые оруулха гэбэл:

«Буряад Республикын Барилгын, архитектурын болон гэр байрын-коммунальна ажахын министерство» гэнэн мүнүүдэй удаа «Гүрэнэй гэр байрын инспекциин республиканска албан» гэнэн мүнүүдыг нэмэхэ.

7. Тус Зарлигай бэлүүлгын хойноһоо хиналта Буряад Республикын Президентын Хиналтын управленидэ (Г.Н.Орлов) даалгаха.

8. Тус Зарлиг баталагдаһан үдэрһөө хүсэндөө ороно.

Буряад Республикын Президент А.В.ПОТАПОВ

Улаан-Үдэ хото, Правительствон байшан 2006 оной майн 18

БУРЯАД РЕСПУБЛИКЫН ХУУЛИНУУД

Буряад Республикада газарай участогууды гү, али хүдөө ажахын газарнуудһаа газарай хубинууды эрхэтэдэй болон юридическэ нюурнуудай үмсэдэ үгэхэ тухай

1-дэхи статья. Ниитын эдлэлгын эрхээр хүдөө ажахын газарнуудыг түлбэриггүйгөөр эрхэтэдэ үгэлгэ. Газарай хубида хүртэхэ эрхэтэй эрхэтэдэй бүлэгүүдэй тоолбори.

1. Россин Федерациин Газарай кодекссын 28-дахи статьягай ёһоор хүдөө ажахын эмхинүүдтэ саг үргэлжын (болзоргүй) ашаглалгын эрхээр үгтэһэн хүдөө ажахын газарнууд эдэ эмхинүүдэй шэнээр эмхидхэлгын, үмсэлэлгын гү, али панхаруулгалгын үедэ үмсэлэгдэхэ ушарга тус статьягай 3-дахи хубида заагдаһан эрхэтэдэ ниитын эдлэлгын эрхээр үгтэжэ болохо.

2. Тус статьягай 3-дахи хубида заагдаһан эрхэтэдэ ниитын эдлэлгын эрхээр газарай участогууды үгэхэ талаар бүрин этигэмжнүүды гүйсэдхэхэ засагай зохистой зургаанууд гү, али тус газарай участогууды зонхило бүрин эрхэтэй нютагай өөһэдын хүтэлбэрийн зургаанууд газарай хуулинуудтай зохилдуулан бэелүүлдэг.

3. Хүдөө ажахын эмхинүүдэй шэнээр байгуулагдаха, үмсэлэгдэхэ болон панхаруутаха үедэ хүдөө ажахын газарнуудай үмсэлэгдэхэ, түлбэриггүйгөөр газарай хуби абаха эрхэтэй гэхэл:

1) хүдөө ажахын эмхинүүдэй хүдэмэрлэгшэд, тэрэ тоодо саг зуура үгы байһан, зүгөөр федеральна хуулин ёһоор хүдэмэрийн хууригай байһан зон, тийхэдэ хүүгэдтэй болохоёо байһан болон һая түрэнһэн гү, али нарай хүүгэдтэй ушарһаа амаралтада гараһан эхэнэрнүүд;

2) 1992 оной январин 1-эй удаа хүдөө ажахын эмхинүүдэй хүдэмэрийн хууринуудай үсөөлэгдэхэдэ, ажалһаа гаргуулан эрхэтэдэ;

3) хүдөө ажахын эмхинүүдһээ һаһанайнгаа амаралтада гараһан пенсионернүүд;

4) хүдөө ажахын эмхинүүдтэ хүдэлэхэ үедэ эрэмдэг бэетэй болоһон зон;

5) хүдөө ажахын эмхинүүдэй эзэлдэг дэбисхэр дээрэ оршоод болон хүдөө ажахын эмхинүүдэй бүридэлдэ зөөритэй байһан хуралсаһай, элүүры хамгаалгын, соёлой, хэлхээ холбоной, хангал-

гануудай, худалдаа наймаанай болон ниитын хооллолгын эмхинүүдэй хүдэмэрлэгшэд;

6) хүдөө ажахын газарнуудһаа ниитын эдлэлгын эрхээр газарай хубида хүртэхэ эрхэтэй аад үнэмшэлгэ үгтэһэн һаһа бараһан хүнэй уг залгамжалан зөөри абагшад.

Тус хубийн 1-дэхи пунктда заагдаһан хүдөө ажахын эмхинүүдэй хүдэмэрлэгшэдтэ саг зуурада ажалда хабаадуулагдаһан, тийхэдэ эрхэтэнэй-хуули ёһоной хэлсэнүүдээр ажалладаг болон ондоо эмхидэ гол ажалтай зон хабаагүй.

4. Хүдөө ажахын эмхин байгуулагдаһан муниципальна аймагай дэбисхэр дээрэ ажаһуудаг, тус статьягай 2.4 болон 6-дахи пунктнуудта заагдаһан бүлэгүүдэй эрхэтэдэ энээнһээ урид түлбэриггүйгөөр газарай участогууды абаагүй байһан һаа, газарай хубида түлбэриггүйгөөр хүртэхэ эрхэтэй.

2-дохи статья. Газарай хубийн хэмжээ тогтоолгын гурим

1. Хүдөө ажахын эмхинүүдэй хубаагдаха ёһотой хүдөө ажахын газарнуудай талмайһаа газарай хубийн хэмжээн тус талмайе газарай хубида хүртэхэ эрхэтэй эрхэтэдэй хамтын тоодо хубаалгын аргаар тоологдодог.

2. Тус статьягай 1-дэхи хубида заагдаһан эрхэтэдэ үгтэхэ газарай хубийн хэмжээн тэдэнэй хүдөө ажахын эмхидэ хүдэмэрийн стажһаа болон эрхилдэг ажалһаа түхэлһөө дулдыдадаггүй.

3. Хүдөө ажахын эмхин хүдөө ажахын газарай талмайһаа газарай хубийн хэмжээн хүдөө ажахын эмхинүүды шэнээр байгуулагда болон үмсэлэгдэ бэелүүлхын тула нютагай өөһэдын хүтэлбэрийн зохистой зургаануудай анхан тогтооһон болон хүдөө ажахын газарай шанарһаа уламжалан элрхэйлһэн аймагай дунда зэргын нормоһоо ехэ байха ёһогүй.

4. Аймагай дунда зэргын нормын ёһоор түлбэриггүйгөөр эрхэтэдэй ниитын эдлэлгэдэ дамжуулагдаха ёһотой хүдөө ажахын газарнуудай талмайһаа ехэ хүдөө ажахын эмхинүүдэй хүдөө ажахын

газарнуудай талмай хубаагдаагүй болон газарнууды дахин тараалгын жасада дамжуулагдадаг.

5. Хүдөө ажахын газарнуудай үмсэлэгдэхэдэ, газарай хубинууды үмсэдөө абаһан ниитын эдлэлгын хабаадагшад газар эсхэмжэлгын эрилтэнүүдтэй зохилдуулан, хүдөө ажахын газарнуудһаа ниитын эдлэлгэдэ үгтэһэн газарай участогуудай хилэнүүды татуулаха ёһотой.

3-дахи статья. Хүдөө ажахын газарнуудһаа газарай участогууды эрхэтэдэй болон юридическэ нюурнуудай үмсэдэ үгэлгэ

1. Шэнээр хубаалгын жасада байһан газарай участогууд иимэ бүлэгэй эрхэтэдэ түлбэриггүйгөөр үгтэжэ болохо гэхэл:

1) Россин Федерациин Президентын 1991 оной декабриин 27-ой 323 дугаарай «РСФСР-тэ газарай хубилган шэнэдхэлгэ бэелүүлгын талаар хойшолуулашгүй хэмжээнүүд тухай», 1996 оной мартын 7-ой 337 дугаарай «Эрхэтэдэй газар тушаа хуулига эрхэнүүды бэелүүлхэ тухай» Зарлигуудай, Россин Федерациин Правительствын 1991 оной декабриин 29-эй 86 дугаарай «Колхоз болон совхозууды шэнээр эмхидхэлгын дүрим тухай», 1992 оной сентябриин 4-эй 708 дугаарай «Агропромышленна комплексын предприятинууды болон эмхинүүды үмсэлэлгын болон шэнээр эмхидхэлгын дүрим тухай», 1995 оной февралын 1-эй 96 дугаарай «Газарай хубинуудай болон хамжаата зөөрийн эзэдэй эрхэнүүды бэелүүлгын дүрим тухай» тогтоолнуудай ёһоор хүдөө ажахын эмхинүүдэй шэнээр байгуулагдахада болон үмсэлэгдэхэдэ, газарай хубида хүртэхэ эрхэтэй байһан аад, ямар нэгэн шалтагаанаар эрхээ бэелүүлээгүй байһан эрхэтэдэ;

2) хүдөө ажахын эмхин байгуулагдаһан муниципальна байгуулгын дэбисхэр дээрэ ажаһуудаг, хүдөө хууринуудай социальна халбарыда хүдэмэрлэдэг эрхэтэдэ (элүүры хамгаалгын, соёлой, хуралсаһай, социальна хамгаалгын эмхинүүдэй

2006 оной апрелиин 27-го Буряад Республикын Арагай Хурал баталаа

хүдэмэрлэгшэд);

3) хэрбээ анхан түлбэриггүйгөөр газарай участогай үгтөөгүй байһан, хуулигай зохилдуулагдаһан хараалагдаһан хэмжээгээр гаряшадай (фермерскэ) ажахынүүды, үмсын хамһабарийн ажахынүүды байгуулаха болон үргэдхэхэ, саад ургуулаха, огород тариха, мал ажал эрхилхэ, үбнэ сабшаха, малаа адуулаха зорилгодонь эрхэтэдэ.

Хэрбээ эрхэтэнэй энээнһээ урид үмсэдөө түлбэриггүйгөөр газар абаха эрхээ бэелүүлһэн байгаа һаань, шэнээр хубаалгын жасада байһан газарай участок түлбэритэйгөөр үгтэдэг.

2. Шэнээр хубаалгын жасада эрхэтэнэй үмсэдэ түлбэриггүйгөөр үгтэхэ газарай участогай хэмжээн хүдөө ажахын эмхинүүды шэнээр байгуулаха болон үмсэлэгдэ бэелүүлхын тула нютагай өөһэдын хүтэлбэрийн зохистой зургаануудай анхан тогтооһон болон хүдөө ажахын газарай шанарһаа уламжалан элрхэйлһэн аймагай дунда зэргын нормоһоо ехэ байха ёһогүй.

3. Юридическэ нюурнуудта хүдөө ажахын үйлдбэри эрхилхын тула шэнээр хубаалгын жасада газарай участогууд шэнээр хубаалгын жасада байһан газарай участогууды түлбэриггүйгөөр тэдэндэ үгэхэ ушарһаа бэшэ тээнэ түлбэритэйгөөр үгтэдэг.

4. Шажан мүргэлэй эмхи зургаанууд газарай участогууды зорилгоорнь хэрэглэхэ һаа, тэдэндэ шэнээр хубаалгын жасада саг үргэлжын (болзоргүй) ашаглалтада дамжуулагдаһан газарай участогууды түлбэриггүйгөөр үмсэлэхэ эрхэтэй.

4-дэхи статья. Тус Хуулин хүсэндөө ороло

Тус Хуули толилогдоһон үдэрһөө хүсэндөө ороно.

Буряад Республикын Президент

Л.В.ПОТАПОВ

Улаан-Үдэ хото

2006 оной майн 11

№1636-III

«Буряад Республикада ниитын аюулгүйе сахилгын (нютагай) милици тухай»

Буряад Республикын Хуулида хубилалтанууды оруулха тухай

1-дэхи статья

«Буряад Республикада ниитын аюулгүйе сахилгын (нютагай) милици тухай» 1995 оной январин 26-ай 81-1 дугаарай Буряад Республикын Хуулида (Ведомости Народного Хурала Республики Бурятия, 1995, №3 (14), №8 (19); Буряад Республикын хуулинуудай суглуулбари, 2001, № 4-5 (23 - 24); 2002, №5 (37); «Бурятия» сонин, 1995, февралын 17, сентябриин 29; 2001, майн 10, ноябриин 28; 2002, апрелиин 30) хубилалтанууды оруулха гэхэл:

1) «РСФСР» гэхэн үгы «Россин Федерациин» гэхэн үгэнүүдээр нэлгэхэ;

2) 2-дохи статьягай нэгдэхэ хубийе иигэжэ найруулаха:

«Федеральна хуулинуудай ёһоор ниитын аюулгүйе сахилгын милициин гол зорилгонууд гэхэл, хүнэй аюулгүйе, ниитын аюулгүйе хангалга, зөөри, ниитын журам хамгаалга, хуули буса ябаданууды болон захиргаанай хуули эбдэлгэнүүды элрүүлгэ, нэргылэгэ болон усадхалга, уридшаан мүрдэһэнэй хэрэггүй хэрэгүүдээр гэмтэ ябаданууды

нэлгэ, ниитын аюулгын милициин бүрин этигэмжэдэ хабаатай зарим бүлэгэй нюурнууды бэдэрлэгэ, байһан газарынь элрүүлгэ болоно.»

3) 4-дэхи статьяда «РСФСР» гэхэн үгы «Россин Федерациин» гэхэн үгэнүүдээр нэлгэхэ;

4) 5-дахи статьяда «РСФСР» гэхэн үгы «Россин Федерациин» гэхэн үгэнүүдээр нэлгэхэ;

5) 6-дахи статьяе иигэжэ найруулаха:

«6-дахи статья. Республикын болон нютагай бюджетүүдһээ хангагдадаг ниитын аюулгүйе сахилгын милициин хүдэмэрлэгшэдэй тоо»

Республикын болон нютагай бюджетүүдһээ хангагдадаг ниитын аюулгүйе сахилгын милициин хүдэмэрлэгшэдэй тоо Буряад Республикын Правительство болон Буряад Республикада нютагай өөһэдын хүтэлбэрийн зургаанууд тогтоодог.

Буряад Республикын Правительство болон Буряад Республикада нютагай өөһэдын хүтэлбэрийн зургаанууд республикын болон нютагай бюд-

жетүүдэй мүнгэн зөөритэй зохилдуулан, ниитын аюулгүйе сахилгын милициин байгуулгануудай нэмэлтэ хүдэмэрлэгшэдэй тоо тогтоохо эрхэтэй.»

6) 7-дохи статьяда:

а) гурбадахи хубийе иигэжэ найруулаха:

«Республикын болон нютагай бюджетүүдһээ хангагдадаг ниитын аюулгүйе сахилгын милициин байгуулганууды тогтооло, шэнээр эмхидхэлгэ болон усадхалга Буряад Республикын Правительствын Россин Федерациин Дотоодын хэрэгүүдэй министрвэтэй зүбшэн тогтооһон гуримаар бэелүүлэгдэдэг.»

б) дүрбэдэхэ, табадахи, зургаадахи хубинууды хүсээ буураһанда тоолохо;

7) 8-дахи статьяда:

а) нэгдэхэ хубида «предприятинууды, эмхи зургаанууды болон», «мүн тийхэдэ бюджетдһээ гадуур зорилготой жасануудһаа» гэхэн үгэнүүды усадхалга;

б) гурбадахи болон дүрбэдэхэ хубинууды иигэжэ найруулаха:

«Федеральна хуулин ёһоор, Буряад

2006 оной апрелиин 27-го Буряад Республикын Арагай Хурал баталаа

Республикын гүйсэдхэхэ засагай зургаанууд, Буряад Республикада нютагай өөһэдын хүтэлбэрийн зургаанууд болон эмхинүүд ниитын аюулгүйе сахилгын милицидэ үгтэһэн албанай байрануудай техникескэ ашаглалга, тэрэ тоодо дулаасуула болон зайн галаар хангалга, капитална һаһабарилга хангадаг.»

г) табадахи хубийе зургаадахи гэжэ тоолохо;

8) 9-дэхи статьягай хоёрдохи хубида «предприятинуудаар, эмхи зургаануудаар», «(эмхинүүдээр)» гэхэн үгэнүүды усадхалга.

2-дохи статья

Тус Хуули толилогдоһон үдэрһөө хүсэндөө ороно.

Буряад Республикын Президент

Л.В.ПОТАПОВ

Улаан-Үдэ хото

2006 оной майн 11

№1671-III

«Буряад Республикада малай тахалай болон ветеринарно-санитарна талаар хайн байдал хангаха тухай»

Буряад Республикын Хуулида хубилалтанууды оруулха тухай

1-дэхи статья

«Буряад Республикада малай тахалай болон ветеринарно-санитарна талаар хайн байдал хангаха тухай» 2005 оной мартын 26-ай 1054-III дугаарай Буряад Республикын Хуулида (Буряад Республикын хуулинуудай суглуулбари, 2005, 3 (72); «Бурятия» сонин, 2005, мартын 29, декабриин 24) хубилалтанууды оруулха гэхэл:

1) 6-дахи статьяда иимэ удхатай 6-дахи абзац нэмэхэ:

«Буряад Республикын ветеринарийн талаар гүйсэдхэхэ засагай зургаанһаа мэдэлтэй эмхи зургаануудай үзүүлдэг түлбэритэй ветеринарна хангалгануудай сэнгүүдэй тоолбори, республикын бюджетдһээ хангагдадаг түлбэриггүй ветеринарна хангалгануудай тоолбори Буряад Республикын Правительство баталдаг.»

2) иимэ удхатай 6.1. статья нэмэхэ:

«6-дахи статья. Ветеринарна ажал ябуулга эрхилхэ эрхэ

Федеральна хуулинуудай ёһоор ветеринарийн талаар дээдэ болон дунда мэргэжэлтэй мэргэжэлтэд ветеринарийн ажал ябуулга эрхилхэ эрхэтэй.

Олзын хэрэг эрхилдэг ветеринарна мэргэжэлтэд Буряад Республикын ветеринарийн талаар бүрин этигэмжэтэй гүйсэдхэхэ зургаануудта бүридхэлдэ орохо ёһотой.

Ветеринарийн мэргэжэлтэд ажал ябуулгада Россин Федерациин ветеринарна хуулинууды баримталдаг болон Буряад Республикын ветеринарийн талаар бүрин этигэмжэтэй гүйсэдхэхэ зургаануудһаа мэдэлтэй.

Ветеринарна ажал ябуулгын дүрмүүды болон эрилтэнүүды хазагайруулан ветеринарна мэргэжэлтэд

федеральна хуулинуудаар хараалагдаһан хэлээлтэ амсадаг.»

3) 8-дахи статьяда:

а) иимэ удхатай хоёрдохи абзац нэмэхэ: «Буряад Республикын дэбисхэр дээрэ федеральна хэмжээ ябуулганууды бэелүүлгэдэ хабаадалга.»

б) хоёрдохи абзацы гурбадахи абзац гэжэ тоолохо;

в) гурбадахи абзацы дүрбэдэхэ абзац гэжэ тоолохо болон тэрээн соохи «хүнэй болон амитадай үбдэдэг үбшэнүүдһээ ажаһуугшадые хамгаалга» гэхэн үгэнүүды усадхалга;

г) иимэ удхатай табадахи абзац нэмэхэ:

«хүнэй болон амитадай үбдэдэг үбшэнүүдһээ ажаһуугшадые хамгаалга, Россин Федерациин мэдэлэй шийдхэбэринүүдтэ хабаатай асуудалнуудһаа бэшыень.»

д) дүрбэдэхэ - наймадахи абзацууды

2006 оной апрелиин 28-го Буряад Республикын Арагай Хурал баталаа

зургаадахи - арбадахи абзацууд гэжэ тоолохо;

е) юнэдэхэ абзацы арбан нэгдэхэ абзац гэжэ тоолохо болон тэрэниие иигэжэ найруулаха:

«Россин Федерациин мэдэлэй шийдхэбэринүүдтэ хабаатай асуудалнуудһаа бэшэ тээнэ ветеринарийн бусад асуудалнууды шийдхэлгэ.»

2-дохи статья

Тус Хуули толилогдоһон үдэрһөө хүсэндөө ороно.

Буряад Республикын Президент

Л.В.ПОТАПОВ

Улаан-Үдэ

2006 оной майн 11

№1703-III

БУРЯАД РЕСПУБЛИКЫН ПРЕЗИДЕНТЫН ЗАРЛИГУУД

ХҮНДЭТЭ НЭРЭ ЗЭРГЭНҮҮД, ХҮНДЭЛЭЛЭЙ ГРАМОТАНУУД

«РОССИН ОЙ МОДО ХАМГААЛГЫН ТҮБ» ГЭНЭН ФЕДЕРАЛЬНА ГҮРЭНЭЙ ОЙ МОДО ХАМГААЛГЫН ЭМХИ ЗУРГААНАЙ «БУРЯАД РЕСПУБЛИКЫН ОЙ МОДО ХАМГААЛГЫН ТҮБ» ГЭНЭН ФИЛИАЛАЙ ХҮДЭЛМЭРИЛЭГШЭДТЭ «БУРЯАД РЕСПУБЛИКЫН ОЙ МОДОНОЙ АЖАХЫН ГАБЬЯАТА ХҮДЭЛМЭРИЛЭГШЭ» ГЭНЭН ХҮНДЭТЭ НЭРЭ ЗЭРГЭ ОЛГОХО ТУХАЙ

Мэргэжэл ехэтэй байханаань, ой модоной ажахыда олон жэлдэ ашаг үрэ ехэтэйгээр хүдэлмэрилхэнэйн түлөө «Россин ой модо хамгаалгын түб» гэнэн федеральна гүрэнэй ой модо хамгаалгын эмхи зургаанай «Буряад Республикын ой модо хамгаалгын түб» гэнэн филиалай хүдэлмэрилэгшэдтэ «Буряад Республикын ой модоной ажахын габыята хүдэлмэрилэгшэ» гэнэн хүндэтэ нэрэ зэргэ олгохо гэбэл:

«БУРЯАД РЕСПУБЛИКЫН ОЙ МОДОНОЙ АЖАХЫН ГАБЬЯАТА ХҮДЭЛМЭРИЛЭГШЭ» ИВАКИНА Александра Вахрамеевна - инженер-лесопатолог ЛЯХОВ Александр Александровичта - инженер-лесопатолог.

Буряад Республикын Президент **Л.В.ПОТАПОВ**

Улаан-Үдэ хото, Правительствын байшан 2006 оной апрелин 28 №198

Л.А.ИВАНОВАДА «БУРЯАД РЕСПУБЛИКЫН ХАНГАЛГЫН ХАЛБАРИН ГАБЬЯАТА ХҮДЭЛМЭРИЛЭГШЭ» ГЭНЭН ХҮНДЭТЭ НЭРЭ ЗЭРГЭ ОЛГОХО ТУХАЙ

Мэргэжэл ехэтэй байханаань, олон жэлдэ ашаг үрэ ехэтэйгээр хүдэлмэрилхэнэйн түлөө Буряад Республикын Барилгын, архитектурын болон гэр байрын-коммунальна ажахын министерствын дэргэдэхи Капитальна барилгын управлениин инженер ИВАНОВА Людмила Алексеевнада «Буряад Республикын хангалгын халбарин габыята хүдэлмэрилэгшэ» гэнэн хүндэтэ нэрэ зэргэ олгохо.

Буряад Республикын Президент **Л.В.ПОТАПОВ**

Улаан-Үдэ хото, Правительствын байшан 2006 оной апрелин 28 №199

«ЗАХААМИНАЙ ГЭР БАЙРЫН-КОММУНАЛЬНА АЖАХЫН ҮЙЛЭДБЭРИН УПРАВЛЕНИ» ГЭНЭН ХИЗААРЛАГДАМАЛ ХАРИУСАЛГАТАЙ БҮЛГЭМЭЙ ХҮДЭЛМЭРИЛЭГШЭДТЭ «БУРЯАД РЕСПУБЛИКЫН ХАНГАЛГЫН ХАЛБАРИН ГАБЬЯАТА ХҮДЭЛМЭРИЛЭГШЭ» ГЭНЭН ХҮНДЭТЭ НЭРЭ ЗЭРГЭ ОЛГОХО ТУХАЙ

Мэргэжэл ехэтэй байханаань, гэр байрын-коммунальна ажахын халбарыда олон жэлдэ ашаг үрэ ехэтэйгээр хүдэл-

мэрилхэнэйн түлөө «Захаaminaй гэр байрын-коммунальна ажахын үйлэдбэрин управлени» гэнэн хизаарлагдамал харюусалгатай бүлгэмэй хүдэлмэрилэгшэдтэ «Буряад Республикын хангалгын халбарин габыята хүдэлмэрилэгшэ» гэнэн хүндэтэ нэрэ зэргэ олгохо гэбэл:

ЛАНДИНА Людмила Николаевнада - гэр байрын-ашаглалгын 1-дэхи участогай начальник РИНЧИНОВ Дугаржап Дашиевичта - генеральна директор ШПИС Александр Николаевичта - уһаар хангалгын участогай электро-механик

Буряад Республикын Президент **Л.В.ПОТАПОВ**

Улаан-Үдэ хото, Правительствын байшан 2006 оной апрелин 28 №200

М.С.МАЛАНОВАДА «БУРЯАД РЕСПУБЛИКЫН ГАБЬЯАТА ЭКОНОМИСТ» ГЭНЭН ХҮНДЭТЭ НЭРЭ ЗЭРГЭ ОЛГОХО ТУХАЙ

Мэргэжэл ехэтэй байханаань, финансова зургаануудта олон жэлдэ үнэн сэхээр хүдэлмэрилхэнэйн түлөө «Түнхэнэй аймаг» муниципальна байгуулгын финансова управлениин бюджетнэ таһагай начальнигай орлогшо МАЛАНОВА Мальвина Содбоновнада «Буряад Республикын габыята экономист» гэнэн хүндэтэ нэрэ зэргэ олгохо.

Буряад Республикын Президент **Л.В.ПОТАПОВ**

Улаан-Үдэ хото, Правительствын байшан 2006 оной апрелин 28 №201

А.В.ГРУДИНИНДА «БУРЯАД РЕСПУБЛИКЫН СОЁЛОЙ ГАБЬЯАТА ХҮДЭЛМЭРИЛЭГШЭ» ГЭНЭН ХҮНДЭТЭ НЭРЭ ЗЭРГЭ ОЛГОХО ТУХАЙ

Мэргэжэл ехэтэй байханаань, олон жэлдэ жэншэдгүй эрхимээр хүдэлмэрилхэнэйн түлөө 32364-дэхи сэрэгэй частиин оркестрэй солист ГРУДИНИН Алексей Викторовичта «Буряад Республикын соёлой габыята хүдэлмэрилэгшэ» гэнэн хүндэтэ нэрэ зэргэ олгохо.

Буряад Республикын Президент **Л.В.ПОТАПОВ**

Улаан-Үдэ хото, Правительствын байшан 2006 оной апрелин 28 №202

Н.Б.МИНТАСОВАЕ БУРЯАД РЕСПУБЛИКЫН ХҮНДЭЛЭЛЭЙ ГРАМОТААР ШАГНАХА ТУХАЙ

Амжалтанууды туйлаһанаань, мэргэжэл ехэтэй байханаань, олон жэлдэ ашаг үрэ ехэтэйгээр хүдэлмэрилхэнэйн түлөө «Поддержка» таряашадай страховой компани» гэнэн нээмэл акционернэ

бүлгэмэй Буряадай филиалай директор **МИНТАСОВА Надежда Батаевнае Буряад Республикын Хүндэлэлэй грамотаар шагнаха.**

Буряад Республикын Президент **Л.В.ПОТАПОВ**

Улаан-Үдэ хото, Правительствын байшан 2006 оной апрелин 28 №203

Е.М.ЧИМИТОВАЕ БУРЯАД РЕСПУБЛИКЫН ХҮНДЭЛЭЛЭЙ ГРАМОТААР ШАГНАХА ТУХАЙ

Амжалтанууды туйлаһанаань, олон жэлдэ үнэн сэхээр хүдэлмэрилхэнэйн түлөө Буряад Республикын эрхэтэнэй байдалай актууды бэшэлгын управлениин Загарайн аймагай таһагай начальник **ЧИМИТОВА Елизавета Мункуевнае Буряад Республикын Хүндэлэлэй грамотаар шагнаха.**

Буряад Республикын Президент **Л.В.ПОТАПОВ**

Улаан-Үдэ хото, Правительствын байшан 2006 оной апрелин 28 №204

БУРЯАД РЕСПУБЛИКЫН ХҮНДЭЛЭЛЭЙ ГРАМОТААР ШАГНАХА ТУХАЙ

Амжалтанууды туйлаһанаань, олон жэлдэ ашаг үрэ ехэтэйгээр хүдэлмэрилхэнэйн түлөө Буряад Республикын Хүндэлэлэй грамотаар шагнаха гэбэл:

БУБНОВ Виктор Васильевиче - Буряад Республикын хүдөө ажахын болон эдэе хоолой министр ДОРЖИЕВА Гарма Сыреновнае - Буряад Республикын Тоололгын палатын ахмад инспектор

Буряад Республикын Президент **Л.В.ПОТАПОВ**

Улаан-Үдэ хото, Правительствын байшан 2006 оной майн 4 №207

БУРЯАД РЕСПУБЛИКЫН ХҮНДЭЛЭЛЭЙ ГРАМОТААР ШАГНАХА ТУХАЙ

Россин гүрэнэй аюулгүйн зургаануудта олон жэлдэ үнэн сэхээр, жэншэдгүй эрхимээр хүдэлмэрилхэнэйн түлөө болон Россин криптографическа албанай байгуулагдаһаар 85 жэлэйн ойтой дашарамдуулан, Россин Федерациин Хамгаалгын федеральна албанай Буряад Республикадахи Тусхай хэлхээ холбооной болон мэдээсэлэй түбэй ахмад инженер **САВИНСКИЙ Сергей Александровиче Буряад Республикын Хүндэлэлэй грамотаар шагнаха.**

Буряад Республикын Президент **Л.В.ПОТАПОВ**

Улаан-Үдэ хото, Правительствын байшан 2006 оной майн 4 №208

БУРЯАД РЕСПУБЛИКЫН ХҮНДЭЛЭЛЭЙ ГРАМОТААР ШАГНАХА ТУХАЙ

Олон жэлдэ ашаг үрэ ехэтэйгээр хүдэлмэрилхэнэйн, республикын социально-экономическа хүгжэлтэдэ горитой хубита оруулһанаань түлөө болон түрэнхөөр 70 жэлэйн ойтой дашарамдуулан, пенсионер, ажалай ветеран **КОНОВАЛОВ Эдуард Семеновиче Буряад Республикын Хүндэлэлэй грамотаар шагнаха.**

Буряад Республикын Президент **Л.В.ПОТАПОВ**

Улаан-Үдэ хото, Правительствын байшан 2006 оной майн 4 №209

БУРЯАД РЕСПУБЛИКЫН ХҮНДЭЛЭЛЭЙ ГРАМОТААР ШАГНАХА ТУХАЙ

Амжалтанууды туйлаһанаань, олон жэлдэ үнэн сэхээр хүдэлмэрилхэнэйн түлөө Буряад Республикын Хүндэлэлэй грамотаар шагнаха гэбэл:

ДАРМАЕВА Вера Жамцуевнае - Буряад Республикын Эрхэтэнэй байдалай актууды бэшэлгын управлениин Ээдын аймагай таһагай түрүү мэргэжэлтэн ЦЫБИКОВ Александр Жалсаревиче - Байгал нуурай уһанай нөөсөнүүдэй комитедэй уһа ашаглалгы гурумшуулгын таһагай ахмад мэргэжэлтэн

Буряад Республикын Президент **Л.В.ПОТАПОВ**

Улаан-Үдэ хото, Правительствын байшан 2006 оной майн 4 №210

А.В.КУНДА «БУРЯАД РЕСПУБЛИКЫН ГАБЬЯАТА ГЕОЛОГ» ГЭНЭН ХҮНДЭТЭ НЭРЭ ЗЭРГЭ ОЛГОХО ТУХАЙ

Геологи хүгжөөлгэдэ болон газар до-рохи нөөсөнүүды бэдэрэлгэдэ габыятай байханаань, олон жэлдэ ашаг үрэ ехэтэйгээр хүдэлмэрилхэнэйн түлөө «Бурятзолото» нээмэл акционернэ бүлгэмэй «Ирокенда» уурхайн участково геолог **КУН Александр Викторовичта «Буряад Республикын габыята геолог» гэнэн хүндэтэ нэрэ зэргэ олгохо.**

Буряад Республикын Президент **Л.В.ПОТАПОВ**

Улаан-Үдэ хото, Правительствын байшан 2006 оной майн 4 №211

Эмхидхэн байгуулагшад - Буряад Республикын Президент, Арадай Хурал болон Правительство

Генеральна директор - ахмад редактор **А.А.АНГАРХАЕВ,**
Редактор **Г.Х. ДАШЕЕВА.**

РЕДАКЦИОННО КОЛЛЕГИ: **И.М.ЕГОРОВ, С.Г.ЕФИМОВ, И.Б.ДАГБАЕВ, В.Б.ПРОКОПЬЕВ, М.В.КАЛАШНИКОВ** (Буряад Республикын Правительство), **Ф.П.БОТОНОВА, Ц.Э.ДОРЖИЕВ** (Буряад Республикын Арадай Хурал), **Т.В.САМБЯЛОВА** (генеральна директорэй 1-дэхи орлогшо), **Д.Б.ГУРОДАРМАЕВА** (редакторай орлогшо), **Т.Б.ГЫРГЕНОВА** (харюусалгата секретарь), **В.Г.ГОМБОВА, Н.Д.БАДМАРИНЧИНОВ, Б.В.БАЛДАНОВ, А.А.ФАДЕЕВА, В.Д.ДАМДИНОВА.**

Хэблэлэй байшанай телефонууд: генеральна директорэй-ахмад редакторай - 21-50-96, приёмнын - 21-54-54 (факс), ген. директорэй 1-дэхи орлогшо - ахмад редакторай орлогшын - 21-68-08, ахмад редакторай орлогшонорой - 21-64-36, 21-33-61, секретариатай - 21-60-21; таһагууд: экономикын болон политикын - 21-63-86; соёлой болон түүхын - 21-54-93; «Морин хуур», «Вершины» журналнуудай редакци - 21-55-97; залуушулай, оюутдай ажабайдалай болон олонитын хүдэлмэрин, «Одон» журналай редакци - 21-54-93; мэдээсэлэй - 21-67-81, спортын - 21-54-93, рекламн - 21-62-62, коммерческэ ажалай - 21-55-97, компьютерна түбэй - 21-66-76, бухгалтеринн - 21-23-67.

Редакцида ороһон материалнууд шүүмжэлэгдээгүй, мүн авторнуудтань бусаагдадаггүй.

Тоонуудай, бодото баримтануудай, хүнэй, нютагай нэрэнүүдэй бэшэлгыг хазгайруулан ушарта авторнуудын харюусалгатай. Редакциин ханамжа авторайхитай адли бэшэ байжа магад.